

是舉國之寵慶肆因無疆之恤用布非常之恩故茲教示想宜知悉

甲午政院啓曰 成廟朝佐理原從之例考之則日記踈漏未能詳知傳曰考之無據奈何○上幸太平館行翌日宴

乙未以全羅監司沈光彥狀啓下于政院曰老人年欽特加堂上又賜米其餘孝子節婦依啓褒獎前年忠清道亦有孝友之人迄無褒獎之事近因多事而未暇耶廉潔孝行卓異者抄啓○天使遣頭目進絲段等物 上命厚饋于東賓廳○政院啓

曰凡一產三兒者有題給米太十碩之例原州居良女四月一產三子梁山居私婢明之一產四子當依他題給而近者年以儲竭量減題給何如傳曰雖依前給之國儲有何虧損○伴送使任權以上使劉遠奪去館軍良馬事馳啓傳曰馬價問該曹以啓○夜艮坤方有氣如火

丙申傳于政院曰尚震任權池世芳具壽聘尹思翼張世豪李浚慶趙彥秀尹元弼尹元老尹元亮

尹元弼以下三人乃尹元亮大王大妃同生甥

李龜